

宣和奉使高麗圖經卷第十八

道教

臣聞高麗地濱東海當與道山仙島相距不遠其民非不知向慕長生久視之教第中原前此多事征討無以清淨無爲之道化之者唐祚之興尊事混元始祖故武德間高麗遣使勾請道士至彼講五千文開釋玄微高祖神堯奇之悉從其請自是之後始崇道教踰於釋典矣大觀庚寅天子眷彼遐方願聞妙道因遣信使以羽流二人從行遴擇通達教法者以訓導之王侯篤於信高麗圖經卷十八
一知不足齋叢書

道士

道士之服不以羽衣用白布爲裘阜巾四帶比之民俗特其袖少褻裕而已

釋氏

浮圖之教始出天竺遂傳四夷其法崇盛高麗雖在海

東聞自清涼法眼一枝東渡之後僧徒頗知性理嘗於
普濟寺僧堂見其揭榜示衆大略云言不足以載道久
矣大千經卷皆藥病之說正法眼藏無所付囑世尊於
是舉花而示有微笑者至於子孫言辯相示謂之談禪
無乃妄乎靈山之會唯一迦葉其可容易期於衆人昔
人猶愛羊存而禮之大意不忘又況言說之筌足以得
其意哉抑聞之說詩者貴在以意逆志吾宗亦然蓋言
以索意意之所隨不可以言傳則亦在乎默而識之尙
何數數於文言之末乎觀此數百言深契宗旨佛像供

高麗圖經卷十八

二知不足齋叢書

具皆悉脩潔幡華繒葢行列有序大經則有華嚴般若
小者不可悉數亦有本繙自中國能爲華言者嘗令誦
之歷歷可聽至其梵唄則又缺舌不復可辨矣其鏡鉞
形制小而聲悲至其螺磬則洪大如號焉先是元豐間
上節使臣宋密歿於紫燕島自後使至必於濟物寺飯
僧致祭上節以次羅拜墓下比者銜命至彼亦襲前例
雖存歿恩義理固宜爾然人心初到異邦遠懷鄉國遽
覩客殯無不霑灑蓋出使絕域唯遼東爲難海洋阻隔
危險萬態得獲全濟復命於朝豈不幸歟自非倚仗

靈則其不葬於蛟蜃之腹者幾希豈釋氏專能持護哉
今圖其衣服制度以考同異云

國師

國師之稱蓋如中國之有僧職綱維也其上一等謂之
王師王見則拜之皆服出水衲袈裟長袖偏衫金跋遮
下有紫裳烏革鈴履人物衣服雖略與中華同但麗人
大抵首無枕骨以僧祝髮乃見之頗可駭訝晉史謂三
韓之人初生子便以石壓其頭令扁非也蓋由種類資
稟而然未必因石而扁

高麗圖經卷十八

三知不足齋叢書

三重和尚大師

三重和尚長老

鄭刻

律師之類也服紫黃貼相鄭刻福

田袈裟長袖偏衫下亦紫裳位在國師之下講說經論
傳習性宗擇聰慧辯博者爲之

阿闍黎大德

阿闍黎大德位降三重和尚一等分隸教門職事其服
短袖偏衫壞色挂衣五條下有黃裳國師三重不過數
人而阿闍黎一等人數極衆未究厥旨

沙彌比丘

沙彌比丘自幼出家未經受具壞色布衣亦無貼相鄭
廂戒律既高方易紫服以第遷升乃有衲衣蓋高麗僧
衣唯以磨衲爲最重耳

在家和尚

在家和尚不服袈裟不持戒律白紵窄衣束腰阜帛徒
跣以行閒有穿履者自爲居室娶婦鞠子其於公上負
載器用掃除道路開治溝洫脩築城室悉以從事邊陲
有警則團結而出雖不閑於馳逐然頗壯勇其趨軍旅
之事則人自裹糧故國用不費而能戰也聞中閒契丹
高麗圖經卷十八
四知不足齋叢書

爲麗人所敗正賴此輩其實刑餘之役人夷人以其髡
削鬚髮而名和尚耳

宣和奉使高麗圖經卷第十八